

RUKOMETNI SAVEZ BOSNE I HERCEGOVINE



PROPOZICIJE TAKMIČENJA/NATJECANJA ZA OMLADINSKE KATEGORIJE

Sezona 2017 /2018

Na osnovu člana 37. Statuta Rukometnog saveza Bosne i Hercegovine, Upravni odbor Rukometnog saveza Bosne i Hercegovine (u daljem tekstu UO RS BiH), na svojoj sjednici, održanoj u Sarajevu dana 10.10.2017. godine, donio je

PROPOZICIJE TAKMIČENJA/NATJECANJA za omladinske kategorije

I. TAKMIČENJE/ NATJECANJE

Član 1.

Ovim Propozicijama takmičenja/ natjecanja (u daljem tekstu Propozicije) određuje se oblik takmičenja/ natjecanja prvenstva BiH za ženske i muške ekipe mlađih starosnih kategorija u organizaciji Rukometnog saveza Bosne i Hercegovine (u daljem tekstu RS BiH) za takmičarsku/ natjecateljsku 2017/2018 godinu. Propozicijama se određuje poredak i druge obveze, dužnosti i prava koja slijede iz takmičenja/ natjecanja .

Član 2.

Utakmice svih takmičenja/ natjecanja RS BiH, igraju se prema Međunarodnim pravilima rukometne igre i odredbama drugih propisa RS BiH.

Član 3.

Pravo učesća imaju sve ekipe registrovane u Rukometnom savezu Bosne i Hercegovine, Rukometnom savezu Republike Srpske i Rukometnom savezu FBIH, a koje su to pravo stekle kroz plasman u prvenstvima matičnih saveza

Član 4.

Takmičenja/ natjecanja (muške i ženske ekipe) se provode za sljedeće starosne kategorije:

Kategorija,	Trajanje igre
- 2006 i mlađi, cicibanke i cicibani	2 x 15 min
- 2004 i mlađi, mlađe kadetkinje i mlađi kadeti	2 x 20 min
- 2002 i mlađi, kadetkinje i kadeti	2 x 25 min
- 2000 i mlađi, juniorke i juniori	2 x 30 min

Član 5.

Termin odigravanja završnica državnog prvenstva BiH u muškoj i ženskoj kategoriji za sva četiri godišta je:

-28.06. do 01.07.2018. godine u Banja Luci.

Član 6.

Na završnici takmičenja/ natjecanja učestvovat će po tri kluba iz sve tri članice saveza koji su to pravo ostvarili na osnovu plasmana na takmičenja/ natjecanja organizovanih u okvirima matičnih saveza. Komesar takmičenja/ natjecanja RS BiH će objaviti nulti Bilten sa svim učesnicima finalnih takmičenja/ natjecanja.

Član 7.

Sva predtakmičenja/ prednatjecanja se trebaju okončati najkasnije do 20.05.2018. godine, a krajnji rok za dostavljanje spiskova ekipa koje su izborile učešće na završnici takmičenja/ natjecanja je 24.05.2018. godine.

Član 8.

Finalni turnir se igra kod ekipe koja je putem javnog konkursa/natjecanja dobila domaćinstvo.

Domaćin finalnog turnira je obvezan obezbijediti sljedeće:

1. Pehare za ekipe koje osvoje prvo, drugo i treće mjesto,
2. Medalje za tri prvoplasirane ekipe (zlatne, srebrene i bronzane - po 20 komada)
3. Organizator može obezbijediti i druge nagrade i priznanja za pojedine ekipe i pojedince,
4. Smještaj i ishranu za službene osobe i Komesara takmičenja/ natjecanja
5. Dvoranu za nesmetano odigravanje turnira,
6. Ljekara ili zdravstvenu osobu
7. Kao i sve drugo za korektno odvijanje turnira.

Član 9.

Završno takmičenje/ natjecanja mlađih kategorija, finalni dio, odvija se kao turnirsko takmičenje/ natjecanja, po grupama i provodi se po jednostrukom bod sistemu. Klub za pobjedu dobija tri (3) boda, za neriješen rezultat jedan (1) bod, a za poraz nula (0) bodova.

Član 10.

U finalnom dijelu takmičenja/ natjecanja, ekipe će ždrijebom biti podijeljene u dvije grupe, a nosioci grupa su finalisti iz predhodne takmičarske godine, a ako se jedna od ekipa nije plasirala za završni turnir, drugi nosilac je ekipa domaćina, a ako se nisu plasirale ni jedna od ekipa finalne utakmice iz prethodne takmičarske godine, ždrijebaju se sve ekipe po grupama. Po okončanju takmičenja/ natjecanja po grupama konačan plasman se određuje na sljedeći način:

1. POLUFINALA- A1:B2; i B1:A2
2. Pobjednik utakmice A1:B2 SA pobjednikom B1:A2 za prvo mjesto
3. Poraženi iz utakmice A1:B2 sa poraženim B1:A2 za treće mjesto
4. Treće plasirane ekipe u grupama igraju za peto mjesto
5. Četvrto plasirane ekipe igraju za sedmo i osmo mjesto

Član 11.

Konačan poredak Klubova određuje se poslije završenog takmičenja po grupama. Ako dva ili više klubova osvoje isti broj bodova u grupi, poredak se određuje na sljedeći način:

- bolje mjesto zauzima klub koji je ostvario bolji međusobni rezultat, a poredak na tabeli se određuje na temelju osvojenih bodova na utvrđenoj mini tabeli,
 - ako je broj bodova isti, bolje plasiran je klub koji ima bolju razliku datih i primljenih golova na utvrđenoj mini tabeli,
 - ako je razlika datih i primljenih golova ista, bolje je plasirani klub koji je postigao više golova,
 - ako su klubovi postigli isti broj golova, bolje je plasiran klub koji je postigao više golova iz igre (bez sedmeraca).
- ako se ni na ovakav način ne može odrediti poredak klubova u grupama, isto će se obaviti ždrebom.

Član 12.

Ako se utakmica finalnog dijela (utakmice za poredak) završi u regularnom toku neriješenim rezultatom, nakon pauze od 5 minuta, igra se produžetak u trajanju od 2x5 minuta, sa izmjenom strana i odmorom od 1 minuta. Ako se i nakon produžetaka ne dobije pobjednik izvode se sedmerci.

- Prije nego se počnu izvoditi sedmerci svaki klub će imenovati po 5 (pet) igrača -ica, koji su po završenoj utakmici, odnosno nakon produžetaka, imali pravo nastupa, na način da sudijama uruče spisak sa brojevima igrača koji će izvoditi sedmerce. Svaki od ovih igrača-ica treba da izvede po jedan sedmerac naizmjenično sa protivničkim igračima. Klubovima je ostavljeno na volju da odrede redosljed izvođenja sedmeraca.
- Golmani se mogu slobodno odabrati iz spiska igrača-ica i mijenjati se u skladu sa Pravilima igre. Golmani također mogu izvoditi sedmerce, ali i igrači-ice za izvođenje sedmeraca mogu igrati kao golmani (braniti).
- Sudije biraju stranu i gol na kojem će se izvoditi sedmerci. Klub koji dobije ždrijeb, može birati da li da prvi izvodi sedmerac ili da to prepusti drugom klubu.
- Nakon prvog kruga izvođenja sedmeraca, pobjednik je klub koji je postigao više golova. U slučaju neriješenog rezultata, nakon prvog kruga izvođenja sedmeraca, nastavlja se naizmjenično izvođenje po jednog sedmerca do konačnog pobjednika. Igrači-ce drugog kruga mogu se mijenjati u skladu sa Pravilima igre.

II. KOMESAR TAKMIČENJA/NATJECANJA

Članak 13.

Obveze Komesara takmičenja/ natjecanja suda:

- neposredno rukovodi finalnim dijelom takmičenja/ natjecanja na osnovu ovih Propozicija i drugih propisa RS BiH,
- vrši prikupljanje ponuda za organizaciju završnih takmičenja/ natjecanja i određuje domaćine završnih takmičenja/ natjecanja po kategorijama,
- određuje jednog kontrolora kao podkomesara i TK (takmičarsku komisiju od tri nadzornika)
- delegira službene osobe za finalna takmičenja/ natjecanja,
- registruje utakmice na osnovu izvještaja podkomesara finalnog turnira,
- odlučuje o svim pitanjima u vezi sa, takmičenja/ natjecanja
- odlučuje o svim mogućim kaznama,
- prima i rješava eventualne žalbe,
- pokreće i rješava disciplinske prekršaje,
- izdaje završni Bilten i isti doprema svim učesnicima finalnog takmičenja/ natjecanja, RS BIH i objavljuje na web stranici RS BiH,

-radi i druge poslove i zadatke vezane za takmičenja/ natjecanja

Član 14.

Komesar takmičenja/ natjecanja je obavezan prisustvovati svim završnim takmičenja/ natjecanja mlađih kategorija (turnirima) ili imenovati svog zamjenika, koji će imati sva prava i obaveze kao Komesar takmičenja.

III. TROŠKOVI TAKMIČENJA/NATJECANJA

Član 15.

Ekipe neće uplaćivati kotizaciju ili bilo koju taksu/pristojbu prema RS BiH. Ekipa organizator i domaćin finalnog turnira je obvezna snositi troškove odigravanja utakmica za zakup dvorane, medicinskog osoblja i drugih izdataka vezanih za organizaciju utakmice. Utakmice finalnih takmičenja/ natjecanja će suditi najbolje mlade sudije sa Prvih liga i suci sa B i C liste Premijer lige koje su se dokazale u tekućoj takmičarskoj/natjecateljskoj sezoni.

Član 16.

Trkoškove službenih lica (sudije, delegate, zapisničare i mjerioce vremena) neće plaćati klubovi koji su se plasirali na završnicu državnog prvenstva.

Član 17.

Sve ekipe učesnice završnice državnog takmičenja/ natjecanja u muškoj i u ženskoj kategoriji za sva četiri godišta će biti oslobođene plaćanja službeni osoba.

IV. ORGANIZACIJA TAKMIČENJA/NATJECANJA

Član 18.

Klub, organizator (domaćin) utakmice, obvezan je prije početka odigravanja utakmice, obezbijediti dvije (2) ispravne lopte za igranje utakmice (prema kategoriji), štopericu, kartone za time out, službenog ljekara, brisanje parketa i obrasce Zapisnika za utakmice, kao i drugo što predviđaju Propozicije liga takmičenja/ natjecanja na teritoriji RS BiH. Također, organizator utakmice mora na vrijeme obavijestiti sve učesnike utakmice o tačnom terminu početka utakmice.

Član 19.

Klub, domaćin utakmice, mora obezbijediti glavnu službenu osobu i najmanje tri (3) redara, koji moraju nositi vidljive oznake i ne smiju biti mlađi od osamnaest (18) godina života.

Najkasnije trideset (30) minuta prije početka utakmice Klub domaćin utakmice mora delegatu predati pismeni popis redara koji sadrži i ime, prezime i JMBG svake osobe, kao i podatke o glavnom službenom.

Klub, domaćin utakmice, mora omogućiti delegatu, ako on to zatraži provjeru identiteta redara. Delegat je obavezan u zapisniku utakmice ubilježiti osnovne podatke o glavnoj službenoj osobi.

Član 20.

Domaćin utakmice je obavezan obavijestiti policiju o održavanju takmičenja/ natjecanja.

Član 21.

Klub organizator takmičenja/ natjecanja mora na vrijeme obezbijediti dežurnog ljekara ili zdravstvenog tehničara sa potrebnim priborom za pružanje prve pomoći, koji je obavezan biti prisutan na svim susretima.

Kontrolor je obavezan u zapisnik upisati osnovne podatke o zdravstvenoj osobi Utakmice se ne mogu igrati bez zdravstvene osobe.

Član 22.

Na jednoj utakmici ekipa može prijaviti 16 (šesnaest) igrača i 4 (četiri) službene osobe.

Član 23.

Pravo nastupa imaju samo ispravno registrovani i ljekarski pregledani igrači-ce sa ovjerenim ljekarskim pregledom ne starijim od šest mjeseci, te ispravno registrovane službene osobe.

Član 24.

Prije početka utakmice službeni predstavnik ekipe daje delegatu, na uvid, članske iskaznice svih igrača-ca i službenih osoba koji se upisuju u zapisnik utakmice. Članske iskaznice se smatraju ispravnim izdate i ovjerene u članicama RS BiH (RS BiH, RS RS i RS H-B).

Svi igrači-ce su obvezni vjerodostojnost podataka sadržanih u članskim iskaznicama a potkrijepiti predočenjem osobnog dokumenta igrača-ca (putovnica/pasoš).

Niko bez članske iskaznice ne može nastupiti na utakmici.

Član 25.

Igrači-ce su obvezni nastupiti u jednoobraznoj sportskoj opremi (golmani u drugoj boji, različitoj od protivničkih igrača i golmana), a prednost ima prvoimenovana ekipa u rasporedu takmičenja/ natjecanja to će regulisati delegat utakmice.

Član 26.

Klub organizator je takmičenja/ natjecanja odgovoran za red i sigurnost u sportskom objektu. On mora na usmeni zahtjev neke od ekipa ili službenih osoba pružiti sigurnost od dolaska u mjesto igranja pa do odlaska iz mjesta igranja.

Ako klub ne ispuni odredbe iz ovoga člana kaznit će se novčanom kaznom u iznosu od 100,00 do 200,00KM.

Član 27.

Klub, organizator takmičenja/ natjecanja, je odgovoran za ispade gledaoca i bacanje raznih predmeta u igralište, to se smatra slabo organizovanom utakmicom, pa učinjenu radnju kontrolor/nadzornik mora opisati u izvještaj uz zapisnik.

Odgovoran klub za učinjenu radnju iz ovoga članka, kaznit će se novčanom kaznom u iznosu od 200,00 do 300,00 KM.

Član 28.

Ulazak gledaoca na teren nije dozvoljen, za to je odgovoran klub domaćin takmičenja/ natjecanja.

Ukoliko dođe do nereda u kojem učestvuju i gledaoci, kontrolor/nadzornik to mora opisati u izvještaju uz zapisnik, a odgovorni klub će biti novčano kažnjen u iznosu od 200,00 do 500,00KM.

Član 29.

Kontrolor/nadzornik mora odmah poslije utakmice zatražiti pisanu izjavu od diskvalifikovane osobe (igrač-ca ili sl. osoba) koja/ji su obvezna/ni to učiniti u roku 15 min. Igrači-ce diskvalifikovani radi trećeg isključenja na 2 minuta ne podliježu ovoj obvezi.

Ako diskvalifikovana osoba odbije da napiše izjavu, klub će biti novčano kažnjen u iznosu od 25,00 KM po jednoj osobi, a odluka o sankcijama će biti donijeta na osnovu izjave službenih osoba (sudija i kontrolora). Ako su službene osobe podnijele prijavu protiv diskvalifikovane osobe, ista je automatski suspendovana najmanje jednu utakmicu ne nastupanja, zavisno od težine prekršaja ili ponovljene sankcije.

Diskvalifikovani igrač- ica bez pisane izjave sudaca može nastupiti na slijedećoj utakmici

Član 30.

Za diskvalifikovane službene osobe upisane u zapisnik utakmice, klub će biti novčano kažnjen sa 50,00 KM, a za diskvalifikovane igraice ili igrače sa 20,00 KM.

Ako je uz diskvalifikaciju podnešena i pisana prijava, novčana kazna za službene osobe iznosi 100,00 KM, a za igrača-icu 40,00 KM.

Član 31.

Klub čija službena osoba na klupi za rezerve bude isključena na 2 minuta, bit će novčano kažnjena iznosom od 30,00 KM.

Član 32.

Klub čija službena osoba na klupi za rezerve bude opomenuta, bit će novčano kažnjena iznosom od 10,00 KM.

Član 33.

Suspenzije za igrača/ice i službene osobe važe samo za kategoriju takmičenja na kojoj su izrečene.

Član 34.

Klub-ekipa, koja se prijavi za odigravanje prvenstva pa odustane, odnosno ne dođe na finalni turnir, kazni će se iznosom od 300,00 KM.

Član 35.

Sve novčane kazne moraju se uplatiti prije početka naredne utakmice na račun RS BiH ili direktno delegatu utakmice koji će za primljeni iznos izdati priznanicu i isti iznos lično uplatiti na račun RS BiH.

Kazna iz Članka 34. uplaćuje se na račun RS BiH, nakon što je izrekne Komesar takmičenja/ natjecanja ili njegov ovlaštenu zamjenik finalnog takmičenja.

Član 36.

Sve kazne iz ovih Propozicija se udvostručuju u odnosu na prethodno izrečenu kaznu.

Član 37.

Ako klub ne izmiri svoje novčane obaveze po ovim Propozicijama, neće se dozvoliti odigravanje naredne utakmice (ovog nivoa takmičenja/ natjecanja), odnosno nastavak takmičenja/ natjecanja.

Član 38.

Odigrana utakmica se registruje postignutim rezultatom na osnovu:

- zapisnika utakmice,
- pisanih izvještaja službenih osoba u Izvještaju uz zapisnik,
- eventualno naknadnih pisanih izvještaja,

Član 38.

Zapisnik mora biti završen i potpisan odmah nakon utakmice. Klub čiji pripadnik svojom voljom ne potpiše zapisnik, kazni će se novčanom kaznom u iznosu od 50,00 KM.

Član 39.

Ako iz nekog razloga, originalni zapisnik pisan tokom utakmice bude uništen, odmah nakon utakmice piše se novi zapisnik na osnovu zabilješki delegata i sudija.

Klub čiji je pripadnik odgovoran za nestanak zapisnika, kaznit će se novčanom kaznom od 100,00 KM.

Član 40.

Osobe koje daju izjave u zapisnik, moraju to činiti na uljudan i dokazima potkrijepljen način i to samo o uslovima i situacijama igranja utakmice.

Komesarj takmičenja/ natjecanja će na osnovu pisanih izjava poduzeti potrebne mjere.

Član 41.

Na odigranu utakmicu, Klub ima pravo podnijeti žalbu u roku od 10 minuta po završetku utakmice, a prije zaključivanja zapisnika sa utakmice, uz navođenje razloga i situacija radi čega se ulaže žalba. Taksa za uloženu žalbu iznosi 100,00KM i uplaćuje se odmah.

Član 42.

Komesar takmičenja/ natjecanja ima pravo i obvezu poništiti utakmicu i na koju nije uložena žalba, ako se dogodilo nešto što je u očitoj suprotnosti s Pravilima igre, Propisima RS BiH i ovim Propozicijama, a od odlučujućeg je značaja za konačan ishod utakmice.

Član 43.

Komesar takmičenja/ natjecanja je obvezan odluku o žalbi donijeti prije nastavka prvenstva. Nezadovoljna strana ima pravo žalbe. Komesar takmičenja/ natjecanja je obvezan odluku o žalbi donijeti prije nastavka prvenstva. Nezadovoljna strana ima pravo žalbe Takmičarskoj komisiji RS BiH uz uplatu takse od 100,00 KM.

Član 44.

Žalba radi igrališta, sprava i nepravilnosti uređaja i registracija čiji nedostaci su poznati prije utakmice, moraju se najaviti prije početka utakmice, inače se neće uzeti u postupak.

Član 45.

Utakmica na koju je uložena žalba registrovaće se po završetku propisanog postupka.

Član 46.

Ako se igra ponovljena utakmica, troškove snosi klub čijom krivicom je došlo do nove utakmice. Ako je utakmica prekinuta radi više sile, onda svaka ekipa snosi svoje troškove.

Član 47.

Prelazni rok igrača-ica u omladinskim takmičenjima na novoučitave BiH u toku sezone će biti identičan datumima prelaznih rokova Premijer lige, Prve lige Federacije i Prve lige RS.

Član 48.

Komesar takmičenja/ natjecanja će u provođenju disciplinskih postupka primijeniti Disciplinski pravilnik RS BiH i odrednice ovih Propozicija.

Član 49.

Sve to nije precizirano ovim Propozicijama, određeno je drugim propisima RS BiH.

Član 50.

Odrednice Propozicija tumači Komesar takmičenja/ natjecanja.

UPRAVNI ODBOR RS BiH

Komesar ispred RS BIH Dragomir Šaponja
R UKOM ETNI SAVEZ BOSNE I HERCEGOVINE
Ul. Čemaluša br.6, 71 000 Sarajevo
Tel: 033 668 511, 668-143, Fax: 033 668-511
E-MAIL: rukasa.vez@bih.net.ba

R UKOM ETNI SAVEZ REPUBLIKE SRPSKE
Braće Pantića 4. 78000 Banja Luka
Tel/fax: 051 223 160, ;
e-mail: rsrs@blic.net